

Visoki predstavnik se sastao sa hrvatskim ministrom vanjskih poslova Grlićem Radmanom



Visoki predstavnik, Valentin Inzko, sastao se danas u Sarajevu sa hrvatskim ministrom vanjskih i evropskih poslova Gordanom Grlićem Radmanom. Visoki predstavnik Inzko i ministar Grlić Radman razgovarali su o sveukupnoj političkoj situaciji u Bosni i Hercegovini. Visoki predstavnik je informirao ministra Grlića Radmana o statusu provedbe Daytonskog mirovnog sporazuma te dijelom i o njegovom predstojećem izvještaju Vijeću sigurnosti UN.

„Oni koji su zaduženi za političke procese u Bosni i Hercegovini moraju izgraditi osjećaj hitnosti i odgovornosti u rješavanju potreba građana i u provođenju neophodnih reformi. Brojni prijatelji iz međunarodne zajednice pomoći će Bosni i Hercegovini da prevlada sve prepreke u integracionim procesima, ali domaći politički akteri se moraju pridružiti naporima međunarodne zajednice“, rekao je visoki predstavnik.

Visoki predstavnik Inzko zahvalio je ministru Grliću Radmanu na svim konstruktivnim koracima koje je Republika Hrvatska napravila u odnosu prema BiH na njenom putu evropskih integracija.